

**Nunatta avataanut sioqqanik nioqquteqarsinnaalernissaq pillugu Naalakkersuisut
UPA2020-mut iliuusissatut pilersaarummik saqqummiusseqqullugit
peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Siverth K. Heilmann, Atassut)

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Henrik Fleischer, Siumut, Siulittaasoq

Inatsisartunut ilaasortaq Múte Bourup Egede, Inuit Ataqtigiit, Siulittaasup tullia

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Hermann Berthelsen, Siumut

Inatsisartunut ilaasortaq Randi Vestergaard Evaldsen, Demokraatit

Inatsisartunut ilaasortaq Peter Olsen, Inuit Ataqtigiit

Inatsisartunut ilaasortaq Tillie Martinussen, Suleqatigiissitsisut

Siunnersuutip imarisai siunertaalu

Naalakkersuisut nunatta avataanut sioqqanik nioqquteqarsinnaalernissaq pillugu UPA2020-mut iliuusissatut pilersaarummik saqqummiusseqqullugit siunnersuutikkut pisussaaffilerneqarput.

Siunnersuutip Inatsisartuni siullermeerneqarnera

Siullermeerinninnermi partiit akornanni siunnersuummut tapersiisoqarpoq.

Oqaluuserinninnermi Sermitsiaq.ag-mi allaaserisamut “Kalaallit Nunannit sioqqat avammut niuerutitut”¹ 17. februar 2019-imeersumut innersuussisoqarpoq. Allaaserisat Kalaallit Nunaanni sioqqat atorlugit suliffissuaqarnikkut periarfissat ulorianaataasinnaasullu pillugit, ujarassiornermi Professorimit Minik Rosingimit peqataaffigineqartumik ilisimatusaatiginninnermut tunngavoq.

Kalaallit Nunaanni sanaartornermut avammullu tunisassiatut atorneqarsinnaalluartunik nunatsinni sioraqarfippassuaqartoq oqallinnermi partiinit oqaatigineqarpoq. Siunissami

¹ <https://sermitsiaq.ag/node/211637>

sioqqanik avammut tunisisinnaanermut tunngatillugu umiarsuit useqarpiaratik nunamit avammut aallartartut atorluarneqarsinnaanerannik misissuisinnaanermik kaammattuuteqartoqarpoq. Kiisalu tamatumunnga atatillugu aatsitassat allat misissueqqissaarfigineqarsinnaanerat isumassarsiaasinnaasutut taaneqarpoq. Naalackersuisut akissuteqaamminni allannguutissatut siunnersuummik imaattumik saqqummiussippot: **Sioqqanik avammut nioqquteqaratarsinnaanissamut iliuusissanut pilersaarummik Naalackersuisut UKA2020-mut saqqummiusseqqullugu peqquneqarnissaat pillugu Inatsisartut aalajangiiffisassaattut siunnersuut.**

Ataatsimiititaliap siunnersuummik suliarinninnera

Ilisimatusaatiginninneq malillugu sioqqat ukiumut sersersuarmit kuugussaallutik nassatarineqartartut niuerutigineqarlutik tunineqartuugunik Kalaallit Nunaata ukiumut avammut tunisartagaasa tamarmiusut nalingisa (14,5 mia. kr.-it) affaat sinnerlugit naleqartut allaaserisami qulaani taaneqartumi paasinarsisoq ataatsimiititaliap maluginiarpa. Nunarsuarmit sioqqat akii ilimagineqartutut qaffattuuppata taakku nalingi ukiut 25-it tullit ingerlaneranni marloriaatinngorlutik qaffassagaluarpot.

Naalackersuisut allannguutissatut siunnersuutaatigut siunnersuuteqartup siunnersuutaanut naleqqiullugu marlunnik allannguisoqartoq ataatsimiititaliap paasivaa. Naalackersuisut allannguutissatut siunnersuutaat malillugu sioqqanik avammut tunisinermut tunngasup saniatigut sioqqanik piaanerpup ilippanaataanut iliuusissatut pilersaarut aamma tunngassuteqassaaq. Tamatuma saniatigut iliuusissatut pilersaarut UPA 2020-iunngitsoq ukiumilli affarmik kingusinnerusukkut tassa UKA 2020-imi saqqummiunneqassaaq.

Naalackersuisut piffissaliussatut pilersaarummik allannguinerminnut iliuusissatut pilersaarutip, UPA 2020-imit naammassineqassaguni piumasaqaataagaluartutut ukioq manna aallartinneqarsinnaannginnera tunngavilersuutigaa. Nukissat pisariaqartinneqartut 2019-imi suliniutinut allanut atugassiissutigineqareersimanerannik tamanna tunngaveqarpoq. Naalackersuisut taamaammat iliuusissatut pilersaarummik 2020 aallarnerfigalugu UKA 2020-mut naammassisassamik pilersaarusiornissamik missingersuusiornissamillu kissaateqarput.

Siunnersuuteqartup siunnersuutaa Naalackersuisullu allannguutissatut siunnersuutaat ataatsimiititaliamit oqaluuserineqarput.

Naalackersuisut iliuusissatut pilersaarusiornerminnut atatillugu sioqqanik avammut tunisinermi angallassinermut aningaasartuutunik nalilersuinissaat ataatsimiititaliap Naalackersuisunut piumasaraa, tassanilu umiarsuit ilaannakortunik useqarlutik Kalaallit Nunaannit ullumikkut aallartartut qanoq sioqqanik avammut tunisanik angallassinermut ilanngullugit atorneqarsinnaaneramik isumaliutiginnillutik.

Siunnersuutip aningaasaqarnikkut kingunissai

Siunnersuuteqartup aalajangiiffigisassatut siunnersuummini siunnersuutip aningaasaqarnikkut kingunissai allaaserisimavai. Siunnersuuteqartumit nassuiaatigineqartunit allaanerusumik naliliinissaminut ataatsimiititaliaq tungavissaqarsorinngilaq.

Ataatsimiititaliap inassuteqaatai

Ataatsimiititaliap isumaqatigiittup Naalakkersuisut allannguutissatut siunnersuutaata akuersissutigineqarnissaa inassutigaa

Ataatsimiitaliap taama oqaaseqaateqarluni isumaliutissiisummilu allassimasutut paasinnilluni siunnersuut aappassaaniigassanngortippaa.



Henrik Fleischer
Siulittaasoq



Múte Bourup Egede
Siulittaasup tullia



Aqqalu Jerimiassen



Hermann Berthelsen



Randi Vestergaard Evaldsen



Peter Olsen



Ellie Martinussen